

9 Gorffennaf 2015

Teitl y Papur	Cynigion yr Ymgynghoriad ar Daliadau – 2016/17 & 2017/18
Cyfeirnod y Papur:	CNC B B 42.15
Paratowyd y Papur gan:	Emma Killian - Cynghorydd - KSP Mike Jones – Rheolwr Incwm a Thaliadau

Diben y Papur:	Penderfyniad
Argymhelliad:	I'w cymeradwyo: <ul style="list-style-type: none"> y cynnig i gyflwyno cynlluniau codi tâl blwyddyn o hyd ar gyfer 2016/17 a 2017/18 y cynigion a gyflwynwyd ar gyfer taliadau sylfaenol, newidiadau technegol a chynlluniau talu newydd ar gyfer 2016/17 dirprwyo penderfyniadau allweddol ar gyfer ymgynghoriad 2016/17 a Strategaeth Codi Tâl y dyfodol i Is-Grŵp Taliadau'r Bwrdd
Penderfyniad Gofynnol:	Ie

Effaith:	<p>Effaith ar yr Amgylchedd Drwy ddatblygu cynlluniau blwyddyn o hyd ar gyfer 2016/17 - 2017/18 bydd modd i ni gyflwyno ffioedd newydd ar gyfer meysydd allweddol fel Trwyddedu Morol a chyngor Cyn Gwneud Cais / Cynllunio yn 2017/18. Rydym hefyd yn cynnig cyflwyno Lluosyddion Perfformiad Gwael ar gyfer gweithredwyr cyson wael. Bydd hyn yn arwain at fwy o gymhelliant i gyflawni gwell perfformiad amgylcheddol, sy'n dda i'r amgylchedd.</p> <p>Effaith ar yr Economi: Bydd braidd dim newid mewn taliadau sylfaenol dros y ddwy flynedd nesaf yn rhoi sicrwydd i'n cwsmeriaid yn ystod y cyfnod hwn.</p> <p>Effaith ar y Gymuned: Dim effaith benodol ar y gymuned</p>
----------	--

	<p>Effaith ar Wybodaeth:</p> <p>Wrth weithredu'r cynlluniau blwyddyn o hyd hyn, byddwn hefyd yn datblygu Cynllun Codi Tâl Rheoleiddiol newydd, symlach o 2018/19 ymlaen. Byddwn yn casglu'r dystiolaeth berthnasol ac yn cysylltu â rhanddeiliaid er mwyn sicrhau bod y gwaith datblygu yn seiliedig ar dystiolaeth a bod y cynllun terfynol yn addas at y diben.</p>
--	--

Materion

1. Gwnaethom lansio ein Cynllun Codi Tâl cyntaf ar gyfer Cyfoeth Naturiol Cymru ar 1 Ebrill 2015 ar gyfer blwyddyn ariannol 15/16. Mae'n ofynnol i ni adolygu'r cynlluniau hyn o bryd i'w gilydd ac ymgynghori ar unrhyw newidiadau arfaethedig. Gan mai dim ond cynllun blwyddyn o hyd oedd y cynllun cyntaf hwn, mae'n ofynnol i ni ddatblygu cynllun codi tâl ar gyfer 16/17 a thu hwnt.

Cefndir

2. Caiff ein gwaith rheoleiddiol ei ariannu drwy'r taliadau a godwn am drwyddedau a chaniatadau amgylcheddol. Mae'n ofyniad cyfreithiol i ni wneud hyn a defnyddiwn system o gynlluniau codi tâl i adennill costau ein prif wasanaethau rheoleiddiol gan y gweithredwyr a reoleiddiwn, sy'n creu ffrwd incwm o tua £35m y flwyddyn.
3. Rydym wedi ymrwymo ymhellach i gynnal adolygiad sylweddol o'n cynllun codi tâl dros y ddwy flynedd nesaf er mwyn datblygu cynllun mwy arloesol a syml i'w ddefnyddio ar ôl mis Ebrill 2018. Ein nod yw creu cynllun mwy tryloyw a hawdd ei ddefnyddio sy'n annog perfformiad amgylcheddol da ac sy'n gallu cael ei ddefnyddio'n effeithiol gan staff a chwsmeriaid. Byddwn yn ceisio lleihau'r baich rheoleiddiol ar fusnesau tra'n parhau i roi tawelwch meddwl y cymerir camau gweithredu llym yn erbyn y rhai sy'n methu â chyrraedd safonau derbyniol. Bydd y cynllun yn adennill cost lawn yr holl weithgareddau a wnawn lle gellir codi tâl amdanynt a byddwn yn symleiddio'r taliadau hynny lle bo modd.
4. Bydd ein holl gynlluniau codi tâl yn y dyfodol yn parhau i fod yn seiliedig ar ein hegwyddorion rheoleiddiol er mwyn sicrhau ein bod yn bodloni gofynion y Cod i Reoleiddwyr. Dylent hefyd geisio sicrhau bod yr Egwyddorion Codi Tâl wedi'u hymgorffori er mwyn rhoi gorwelion cynllunio hwy i fusnesau ynghyd â sefydlogrwydd o ran y taliadau arfaethedig tra'n ceisio cadw taliadau mor isel â phosibl.
5. I ddechrau, roeddem am gynnig cynllun talu dwy flynedd yn ystod 2016/17 - 2017/18 a fyddai wedi rhyddhau adnoddau i ddatblygu a gweithredu'r Strategaeth Codi Tâl newydd o 2018/19 ymlaen. Fodd bynnag, ni fyddai hyn wedi ein galluogi i gyflwyno ffioedd newydd ar gyfer meysydd allweddol fel Trwyddedu Morol a chyingor Cyn Gwneud Cais / Cynllunio yn 2017/18 gan nad ydym eto mewn sefyllfa i ymgynghori ar fanylion taliadau o'r fath yn 2016/17. Felly, cynigiwn gynlluniau talu **blwyddyn** o hyd yn ystod y cyfnod hwn wrth i ni hefyd wneud gwaith ychwanegol i gyflwyno Strategaeth Codi Tâl 2018/19. Mae amserlen adolygiad 2016/17 ar gael yn Atodiad A.
6. Yn ddiweddar, rydym wedi datblygu iaith gweithgarwch newydd a fydd yn helpu i fireinio'r ffordd rydym yn pennu ein ffioedd a'n taliadau ar gyfer y dyfodol o ran adennill costau gweithgareddau caniatáu a chydymffurfio perthnasol.

7. Mae unedau busnes wrthi'n gweithio drwy'r gweithgareddau hyn a disgwyliwn y bydd y dadansoddiad cychwynnol o weithgarwch ar gael ar gyfer modelu costau ym mis Gorffennaf. Fodd bynnag, mae'n rhy gynnar defnyddio'r dystiolaeth hon i bennu ffioedd yn 2016/17, yn enwedig gan nad oes trawsnewidiad parhaus sylweddol yn yr unedau gweithredol. Yn y pen draw, rydym am osgoi unrhyw newidiadau mewn ffioedd. Felly, cynigiwn gyflwyno cyn lleied o newidiadau â phosibl i daliadau sylfaenol yn 2016/17, er y bwriadwn rannu canlyniadau allweddol y dadansoddiad hwn â'n rhanddeiliaid a byddwn yn parhau i ddatblygu ein sail dystiolaeth ar gyfer gweithgarwch yn barod ar gyfer ymgynghoriad 2017/18.

8. I grynhoi, cynigiwn y newidiadau canlynol ar gyfer 2016/17:

- Taliadau sylfaenol - cynnal lefelau 2015/16

- Newidiadau Technegol :

- Gwastraff a Gosodiadau EPR :

Lluosyddion Perfformiad Gwael Bandiau D, E ac F - Cyflwyno ail haen o luosyddion ar gyfer perfformwyr cyson wael. Fe'i cyflwynir pan fydd safle wedi aros ym Mand D, E neu F am ddwy flynedd yn olynol. Bydd yn parhau i fod yn gymwys nes i'r safle ddychwelyd i Fand A, B neu C. Bydd hyn yn adennill yr incwm sy'n ofynnol i reoleiddio'r safleoedd hyn a bydd yn annog gwell perfformiad amgylcheddol.

- Taliadau Tynnu Dŵr :

Cyflwyno tâl am y broses o ganiatáu ymchwiliad a gyflawnir cyn y gwneir cais i dynnu dŵr daear.

Gellir gweld y rhain a newidiadau technegol posibl eraill yn Atodiad B.

- Taliadau Newydd :

- Caniatadau Amddiffyn rhag Llifogydd :

Disgwylir iddynt ddod o dan Reoliadau Trwyddedu Amgylcheddol ym mis Hydref 2015. Hyd yn hyn, codwyd ffi sefydlog o £50 am brosesu'r ceisiadau hyn ond nid yw'n adlewyrchu'r ymdrech yr eir iddi ar hyn o bryd ac felly nid ydym yn adennill digon. Rydym yn ystyried yr ymdrech reoleiddiol sy'n ofynnol i fodloni'r gofynion deddfwriaethol a disgwyliwn y bydd angen ymgynghori ar gynigion i gyflwyno taliadau am y caniatadau o 1 Ebrill 2016.

- Cyngor cyn gwneud cais / cynllunio :

Yn dal angen ei wneud cryn dipyn o waith i ddatblygu cynllun codi tâl sy'n addas ar gyfer y gwaith hwn a'r bwriad eleni yw nodi ein hegwyddorion cyffredinol ar gyfer codi tâl i gael ei gynnwys yn yr ymgynghoriad ac yna datblygu manylion y cynllun codi tâl yn ystod y y flwyddyn

- Trwyddedu morol :

Bydd y darpariaethau i ni godi tâl am drwyddedau morol yn symud o Lywodraeth Cymru i ni drwy orchymyn os caiff Bil yr Amgylchedd Gydsyniad Brenhinol i'w gyflwyno yng ngwanwyn 2016. Felly, ni allwn ymgynghori ar y ffioedd na'r taliadau ar gyfer y gweithgarwch hwn tan 16/17.

Y Camau Nesaf

9. Os caiff y cynigion eu cymeradwyo, byddwn yn bwrw ymlaen â'n hymgynghoriad cyhoeddus ar Ffioedd a Thaliadau 2016/17 rhwng mis Medi a mis Tachwedd 2015. Dylai hyn hefyd leddfu unrhyw bryderon sydd gan Lywodraeth Cymru am amseriad y gymeradwyaeth sy'n ofynnol gan y Gweinidog Adnoddau Naturiol o ran y cyfnod cyn etholiadau Cynulliad Cymru ym mis Mai 2016.

10. I wneud hyn, gofynnwn i Is-Grŵp Taliadau'r Bwrdd gael mandad i weithredu ar ran y Bwrdd yn hyn o beth. Byddwn yn gweithio'n agos gydag ef i lunio'r cynigion terfynol ar gyfer ymgynghoriad 2016/17 a datblygu Strategaeth Codi Tâl y dyfodol.

Risgiau

11. Drwy barhau â chynlluniau blynyddol, rydym mewn perygl o ymddangos fel nad ydym yn gwrando ar randdeiliaid sydd wedi gofyn am daliadau sefydlog dros gyfnod hwy.

Fodd bynnag, cedwir taliadau sylfaenol mor isel â phosibl dros y cyfnod hwn a byddwn yn ystyried cyflwyno taliadau dros gyfnod hwy pan fyddwn yn datblygu ein cynlluniau codi tâl newydd ar gyfer 2018/19 a thu hwnt.

Goblygiadau Ariannol

12. Drwy gadw taliadau sylfaenol yr un peth y flwyddyn nesaf, rydym mewn perygl o gynhyrchu gwarged / lleihad mewn gwerth yn achos rhai cynlluniau. Fodd bynnag, byddwn yn rheoli unrhyw falansau o'r fath drwy 'gymryd un flwyddyn ag un arall' ac, erbyn 2018/19, byddwn mewn sefyllfa i weithredu Cynllun Codi Tâl Rheoleiddiol syml a mwy hyddysg yn seiliedig ar dystiolaeth gadarn o ddadansoddi gweithgarwch. Bydd hyn yn unioni unrhyw falansau yn ystod oes y cynllun newydd.

Cyfathrebu

13. Rydym yn gweithio gyda'n hadran Gyfathrebu i ddiweddarau'r Cynllun Cyfathrebu ar gyfer adolygu a datblygu ein cynllun codi tâl, a fydd yn amlinellu amcanion cyfathrebu, y gynulleidfa darged a'r prif negeseuon. Rydym yn defnyddio amrywiaeth o ddulliau cyfathrebu, yn cynnwys datganiadau i'r wasg, e-byst penodol, ein gwefan, y fewnrwyd a grwpiau rhanddeiliaid.
14. Caiff ein cynllun cyfathrebu ei ddiweddarau er mwyn adlewyrchu'r broses o weithredu cynlluniau blwyddyn o hyd tan 2018/19 a hysbysir y staff a'r rhanddeiliaid perthnasol.

Asesiad o'r Effaith ar Gydraddoldeb

15. Nid oes angen hwn

Mynegai Atodiadau

Atodiad A - Amserlen yr Adolygiad Codi Tâl 2016-17
Atodiad B - Newidiadau Technegol Posibl



**Cyfoeth
Naturiol**
Cymru
**Natural
Resources**
Wales

Papur Bwrdd